

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE
Komisija za propise i Statut, izbor i imenovanje, gradska priznanja
i obilježavanje značajnih događaja i ličnosti

Broj predmeta: 01-04-01310-2026
Broj akta: 01MH-001
Gračanica, 27.03.2026. godine

Na osnovu člana 10. Odluke o priznanjima Grada Gračanica («Službeni glasnik Grada Gračanica», broj: 03/23) Komisija za propise i Statut, izbor i imenovanje, gradska priznanja i obilježavanje značajnih događaja i ličnosti Grada Gračanica objavljuje:

JAVNI POZIV

za predlaganje kandidata za dodjelu priznanja Grada Gračanica

Komisija za propise i Statut, izbor i imenovanje, gradska priznanja i obilježavanje značajnih događaja i ličnosti Grada Gračanica objavljuje Javni poziv za predlaganje kandidata – pravnih lica i pojedinaca za dodjelu Gradskih priznanja i to najviše:

- **2 zlatne plakete,**
- **3 zlatne značke,**
- **2 posebna gradska priznanja-Počasni građanin.**

Istim pravnim licima i pojedincima jedno od navedenih gradskih priznanja može biti dodijeljeno samo jednom.

Gradska priznanja, zlatna plaketa dodjeljuje se pravnim licima, a zlatna značka pojedincima, koji su svojim dosadašnjim djelovanjem doprinijeli prosperitetu Grada Gračanica.

Gradsko priznanje-Počasni građanin dodjeljuje se građaninu BiH koji nije istovremeno i građanin Grada Gračanica, ili građaninu druge države koji se svojim angažovanjem zalaže za dobrobit i prosperitet u svim sferama života i koji doprinosi ugledu grada Gračanica.

Kriteriji za dodjelu priznanja za pojedince – ZLATNA ZNAČKA:

- za inovacije ili za postignuti izuzetan kreativan rad dobili međunarodna priznanja
- učestvovali u spašavanju života, zdravlja i materijalnih dobara od elementarnih nepogoda i drugih nesreća;
- kao donatori humano postupali prema pojedincima ili kolektivima;
- posebno doprinijeli razvoju lokalne samouprave u MZ, gradu i poboljšanju uslova života građana;
- uspješno organizovali organe MZ i udruženja, te doprinijeli njihovom radu;
- postigli izuzetne rezultate u oblasti poljoprivredne proizvodnje;
- ostvarili posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou;
- dali izuzetan doprinos u drugim područjima života i rada.

Kriteriji za dodjelu priznanja za privredna društva, udruženja, ustanove, mjesne zajednice i druga pravna lica – ZLATNA PLAKETA:

- ostvaruju kontinuiran napredak u svome poslovanju
- redovno investiraju u proizvodnju i proširuju proizvodne kapacitete
- postigli značajne rezultate u oblasti privrede, nauke, kulture, sporta, obrazovanja, zdravstva, bezbjednosti, socijalne zaštite, a posebno razvoju i promociji humanitarnog rada i društvene odgovornosti, razvoju komunalne infrastrukture, zaštiti radne i prirodne sredine, razvoju volonterizma, razvoju dobrih međuljudskih odnosa i sličnih oblasti, koje je imalo odraza za razvoj društvene zajednice
- dali izuzetan doprinos u ostvarivanju prava građana;
- doprinijeli poboljšanju uslova rada i života u MZ na području grada Gračanica;
- za postignuti kreativan rad posebno kod djece i omladine;
- dali izuzetan doprinos u edukativnom i preventivnom djelovanju za slučaj kriznih situacija, te u otklanjanju elementarnih nepogoda koje eventualno zadese društvenu zajednicu.

Pored kriterija navedenih u Odluci, predlagači se mogu koristiti i drugim kriterijima o kojima će dati obrazloženje uz prijedlog kandidata za priznanje.

Prijedlozi se podnose u pismenoj formi na utvrđenom obrascu koji se nalazi u prilogu i sadrži:

- podatke o podnosiocu prijedloga
- vrstu priznanja za koju se kandidat predlaže
- podatke o kandidatu za dodjelu priznanja (za pravno lice: naziv, adresa, osnovni podaci o njegovom djelovanju; za pojedince: ime i prezime, adresa, biografija)
- obrazloženje prijedloga uz odgovarajuću relevantnu dokumentaciju.

Prijedloge za dodjelu priznanja dostavite najkasnije do **13.04.2026. godine do 16:00 h**, na adresu:

*Grad Gračanica, Služba za poslove Gradonačelnika i Gradskog vijeća,
ul. Bašeskijina 1,
sa naznakom – “Prijedlog za gradsko priznanje”*

Prijedlozi pristigli poslije isteka roka, nepotpuni i neuredni prijedlozi neće se razmatrati.

PREDSJEDNIK KOMISIJE
Omer Ahmetović s.r.